



Inatsisartunut ilaasortaq
Peter Olsen, Inuit Ataqtigiit

Pilersuisup pisiniarfiini inuussutissanut akigititat pillugit §37 naapertorlugu apeqquteqaammut akissut pillugu

Allakkat ulluat: 06-11-2023
Suliap nr.: 2023 - 25268
Akt-id: 23526006

Asasara Peter Olsen, Inuit Ataqtigiit,

Postboks 1614
3900 Nuuk

Pilersuisup pisiniarfiini inuussutissanut akigititat pillugit Inatsisartut
Suleriaasianni § 37, imm. 1 naapertorlugu Naalakkersuisunut apeqquteqarputit.
Apeqqutit uannut akisassanngorlugit innersuunneqarput.

Tlf.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

- 1. Nunap immikkoortuini assigiinngitsuni Pilersuisup pisiniarfeqarfiisa akornanni inuussutissat akiisa assigiinnginnerujussuat, piffissamilu kingullermi allangorannerujussuat Naalakkersuisut qanoq nassuiaatissaqartippaat? Sumiiffiit ilaanni akit qaffapput, sumiiffiit ilaanni apparsimallutik.**

Tunngavilersuummi assersuut takuuk.

Akissut:

Pilersuisup pisiniarfiini kingullertigut akigititat qaffassimanerat pillugu Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfik KNI A/S-imit akissutissamik piniarpoq. KNI A/S imatut paasissutissiivoq:

” Akigititat qaffanneri pisisartutta maannakkorpiaq kingusinaartumik misigisaat, nunarsuarmi akigititat qaffannerannut aammalu assartuinnermut aningaasartuutit qaffannerannut attuumassuteqarpoq.

Ataasiakkaat eqqaassanngikkaanni Danmarkimi – aamma nunarsuarmi – inuussutissanut akigititat ukiuni marlunni kingullerni malunnaatilimmik ingerlaavartumillu qaffassimapput, tassani inuussutissanut akigititat agguaqatigiisillugu piffissami 21 %-it sinnilaarlugit qaffassimallutik. Pilersuisumi nioqqutissat amerlanerpaartai Danmarkimiit pisiarineqartarmata, akigititat qaffannerat taanna aamma Kalaallit Nunaanni atuutilerpoq.

Inuussutissanut atuisartunut akigititanut naleqqersuut 2023-mi juulimi 132,9-mut killippoq – tamannalu Danmarkimi uuttorneqartuni aatsaat taama qaffanneri annertooujussuarnik assigiinngissuteqarput. Qaffannerpaapput sukkt, ukiuni kingullerni atuisartunut 43 %-inik akisunerulersimallutik. Naatitat

panertut suliareqqitalu 23 %-ngajammik qaffassimapput, aammalu qajuusat suaasallu 20 %-inik qaffassimallutik.

Pisisartutsinnut tunisatsinniit sapinngisamik annertunerpaanik isertitaqarnissaq KNI-imi ingerlatsinermi siunnerfigineqanngilaq – kisianni oqimaaqatigiisumik aningaasaqarnissatsinnut naammattumik isertitaqarnissaq ingerlatsinermi siunnerfigineqarluni. Tamanna ingerlatseqatigiiffiup periusissiaani allassimavoq. Taamaattumik akigititanik qaffaanitsinnut isertitaqarnerunissarput pissutaanngilaq, kisianni pisinermi akigititat qaffassimanagerat pissutaalluni, tamannalu tamatuma kingorna tunisanut akigititani takuneqarsinnaavoq.

KNI-p akigititanik ingerlaavartumik iluarsisarnissaq toqqarsimanngilaa, kisianni paarlattuanik sapinngisamik sivisunerpaamik akigititat taamaaginnartinniar-simallugit. 2022-mi septembarimiilli aammalu qanittoq tikillugu ataatsimut isigalugu akigititat qaffallugit iluarsisoqarsimanngilaa, taamaattumillu Pilersuisoq piffissami sivisunerusumi inuussutissanut pissusiviusuni akigititat inorlugit akeqartitsisimalluni. Taamaattumik ingerlatseqatigiiffiup pisisartuisa maannak-kut akigititat annertunerusumik qaffannerat misigaat, pissutigalugu taakkua maannamut ingerlaavartumik akigititanik qaffaasarnissamut illersorneqarsi-mammata. Siunissami Pilersuisoq akulikinnerusumik akigititanik iluarsineru-salissaaq.”

Nioqqtissat normuini ikinnerusuni kukkunernik pisoqarsimasoq KNI aammat-taaq paasissutissiivoq, tamannalu ingerlatseqatigiiffiup iluarsiniarsimavaa.

- 2. Inuussutissat akiisa taama assigiinnitsiginerat, allanngorartiginerallu Naalakkersuit pissusissamisoortutut isigivaat?**
 - a. Tamanna qanoq aqqivigineqarniarpa?**

Akissut:

Pilersuisumi inuussutissanut akigititat, nunarsuarminu niuerfinni akigititat nikerarn-erannit sunnerneqarsinnaanatik inissisimannigillat. Innuttaasut tamarmik aalajaa-tsumik tutsuiginartumillu pilersuinerminu qularnaatsuutitsivigineqassapput, taa-maattoq Kalaallit Nunaanni inuussutissanik pilersuinerminu nunani niueqatigisar-takkatsinni, nioqqtissanik eqqussuivigisatsinni, aningaasat naleerukkiartorne-rannit sunnerneqarnissaq pinngitsoortinneqarsinnaanngilaq.

- 3. Nuummi Sisimiunilu inuussutissaarniarfiit ilaanni akini qaffasinnerpaamit, Pilersuisoqarfimmi allaat marloriaatingajammik akeqartitsoqarsinnaanera Naalakkersuisut qanoq nassuiaatissaqartippaat? Tunngavilersuummi assersuut takuuk.**

Akissut:

Nunalerinermut, Imminut Pilersornermut, Nukissitutinut Avatangiisinullu Naala-kersuisoqarfik KNI A/S-imit akissutissamik piniarpoq, taannalu makkuninnga paasissutissiivoq:

” Ataatsimut isigalugu illoqarfimmi/nunaqarfimmi minnerusumi pisiniarfimmik ingerlatsineq, assersuutigalugu Nuummiit, Sisimiuniit Ilulissaniillu, akisuneruvoq, taamaattumillu Pilersuisoq ataatsimut isigalugu siaruarterinermut, uningasuuteqarnermut, aserfallatsaaliuinermit il.il. amerlanerusunik aningaasartuuteqartarpoq. Tamatuma saniatigut pisiniarfimmi ataatsimi pisisartussat mallunnaatilimmik ikinnerupput – aammalu ikiliartorlutik. Taamaattumik illoqarfimmi annerusuni misigineqartartutut, isertitaqartarneq ajoqusernagu Pilersuisumi taamatut annertussusilimmik, pilerisaarutininik neqerooruteqarnissaq pisinnaangilaq.”

Aamma,

” Pilersuisoq ajornartinnagu nunatsinni agguaqatigiissitsinermiinniarsarisarpoq, tamannalu misissugassanik tigusilluni misissuineritigut ingerlaavartumik nalilersorneqartarpoq.”

- 4. Qaammatini kingullerni Pilersuisoqarfinni inuussutissat akiisa qaffariapiloorsimanerat Naalakkersuisut qanoq nassuiaatissaqartippaat, naak ukioq manna KNI akileraarutit sulii ilanngaatinagit 239 mio.kr.-nik iluanaaruteqaraluartoq aammalu sullissinissamut isumaqatigiissut ukiut siuliini 5 mio.kr.-usimasoq 13 mio.kr.-nut qaffassimagaluartoq..**

Akissut:

Takuuk apeqqummut 1-imut akissut.

- 5. KNI-ip iluanaarutaa taama annertutigisoq aammalu kiffartuussinissamik isumaqatigiissut taama annertutigisoq, Pilersuisup akinik qaffaajuarnera Naalakkersuisut naapertuuttutut isigaat?**

Akissut:

KNI-mi kingullertigut ukiumi naatsorsuusiorfiusumi immikkut ittumik sinneqartoorujussuarneq PolarOil-imeersuuvoq aammalu Pilersuisumeersuunani. Ingerlatseqatigiiffimmi immikkoortortat marluk taakkua akornanni tapersiivigeqatigiissitsisoqartussaangilaq.

KNI-mi aningaasaqarnikkut inissisimanermi erseqqinnerusumik paasisimaannilernissamut, ingerlatseqatigiiffiup ukiumoortumik nalunaarusiaa aammalu ataatsimeersuarnermiit imaqarniliaq tamanut saqqummiunneqartoq innersuussutigineqarput. Tamatuma saniatigut KNI-mi immikkoortortanut suleqatigiissitaliami Naalakkersuisunit pilersinneqartumi KNI-mi aningaasaqarnikkut atugassarititaasunut killissaliussat suliarineqarput.

- 6. Pilersuisoqarfinni tamani inuussutissat akiisa assignnerulernissaannik, akikinerulernissaallugu pillugu Naalakkersuisut pilerisaaruteqarpat? Iliuuseqarniarpat?**
 - a. Aappiuppat taava qanoq?**

b. Naamiuppat taava sooq?

Akissut:

Naalackersuisut ulluinnarni nioqqtissanut akigititanik aalajangersaasanngillat. Nioqqtissanut nalinginnaasunut akigititat, agguaqatigiissillugu nioqqtissanut attuumassuteqartunut taakkununga Kalaallit Nunaanni atuisartunut naleqqer-summi ineriartornermut naapertuutissasut, kiffartuussinissamut isumaqatigiis-summi allassimavoq. Taamaalilluni naatsorsuutigineqarpoq Pilersuisup pisiniar-fiini inuussutissanut akigititani nunarsuarmi niuerfimmi akigititat nalinginnaasumik ineriartornerat malinneqassasoq.

7. Pilersuisuni inuussutissat akii appartinneqassappata taava iliussissaq sunaassava; Naalackersuisut isumaat naapertorlugu?

Akissut:

Apeqqutip 6-ip ataani akissuteqaatip assinga innersuussutigineqarpoq.

Neriutigaara matuma siulianiittuni apeqqutitit akineqarsimassasut.

Inussiarnersumik inuulluaqqusillunga


Kalistat Lund